

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO–DOBOJSKI KANTON  
KANTONALNO TUŽILAŠTVO  
ZENIČKO–DOBOJSKOG KANTONA

Broj: T04 0 KT 0059159 24  
Zenica, 21.10.2024. godine

OPĆINSKOM SUDU U ZAVIDOVIĆIMA  
-Sudiji za prethodno saslušanje-  
ZAVIDOVIĆI

Na osnovu člana 45. stav 2. tačka i), člana 241. stav 1. Zakona o krivičnom postupku  
F BiH, p o d i ž e m

O P T U Ž N I C U

Protiv:

M. J., *neosuđivan*,  
što je, u neuračunljivom stanju,

Dana 17.06.2024. godine oko 10,45 sati, u mjestu B., grad Zavidovići, nasiljem prema drugom i naročito bezobzirnim ponašanjem, ugrozio građanski mir i drugog lako tjelesno ozlijedio, odnosno ugrozio sigurnost druge osobe ozbiljnom prijetnjom da će napasti na život ili tijelo iste, na način da je bez najave ušao u kuću M.A. sa sjekirom u ruci, te nakon što je uočio istog na vratima spavaće sobe krenuo je prema njemu obraćajući mu se riječima „Ubiću te“, nakon čega je M.A. uspio zatvoriti sobna vrata koja je on počeo probijati sjekirom uz konstantne prijetnje sadržaja „Ubiću te“, na koji način je potpuno razvalio srednji dio vrata uslijed čega su se ista otvorila i ušao je u sobu, zamahnuo sjekirom prema A., koji je u tom momentu na sebi imao medicinski korzet za leđa, te mu tako zadao udarac iznad desnog oka, nakon čega je A. pao na pod, a na njega i on, kojom prilikom mu je oštetiio predmetni korzet, kada mu je zadao još jedan udarac sjekirom u predjelu stomaka i rebara, te je potom A. uspio uhvatiti sjekiru i glasno dozivao u pomoć, da bi ubrzo u njegovu kuću ušao B. J. koji je M. J. oduzeo sjekiru i udaljio ga iz kuće, nakon čega je, M.B. po saznanju da je M. J. zadao više udaraca sjekirom M. A., krenuo prema kući M. J., te ga na putu do iste sreo, koji mu je uputio ozbiljne prijetnje sadržaja „Samo da znaš da si ti sljedeći i tebi ću ovako isto uraditi“, a što je kod B. izazvalo osjećaj ugroženosti i straha, na koji opisani način je ugrozio građanski mir M. J., istom nanio lake tjelesne povrede u vidu nagnječenja glave sa nagnječnorazdernom ranom iznad desne obrve, oštetiio tuđu stvar, odnosno M. A. pričinio štetu u iznosu od oko 2.000,00 KM, te ugrozio sigurnost M. B.,

dakle, nasiljem prema drugom i naročito bezobzirnim ponašanjem ugrozio građanski mir drugoga i drugom nanio laku tjelesnu povredu, oštetiio tuđu stvar, odnosno ugrozio sigurnost drugog ozbiljnom prijetnjom,

Čime je počinio protupravno djelo „Nasilničko ponašanje“ iz člana 362. stav 2. u vezi sa stavom 1. KZ F BiH u sticaju sa protupravnim djelima „Oštećenje tuđe stvari“ iz člana 293. stav 1. KZ

FBiH i „Ugrožavanje sigurnosti“ iz člana 183. stav 1. KZ FBiH, sve u vezi sa članom 54. KZ FBiH.